

ESKORIATZAKO UDALA

IRAGARKIA

2023ko maiatzaren 12ko Alkate erabakiz, deialdia egin da “MERKATARITZA EDO ZERBITZU ARLOKO ESTABLEZIMENDU BERRIAK IREKITZEKO EDO NEGOZIO BAT ESKUALDATZEKO DIRU LAGUNTZAK (2023)” emateko, eta, era berean, 3.500,00 €-ko gastua onartu da indarrean dagoen aurrekontuko 0500.471.431.00.01. aurrekontu aplikazioaren kargura.

Eskoriatza, 2023ko maiatzaren 17a. ALKATEA,

MERKATARITZA EDO ZERBITZU ARLOKO ESTABLEZIMENDU BERRIAK IREKITZEKO EDO NEGOZIO BAT ESKUALDATZEKO DIRULAGUNTZAK ARAUTZEKO OINARRIAK

Udalak hainbat lan ardatz nagusi aurreikusten ditu Eskoriatzan merkataritza eta kontsumoa indarbertitzeko: Animazio, dinamizazio, fidelizazio eta lehiakortasunari, hirigintza arloko jarduera batzuk gehitzen zaizkio.

Udaleko hirigune osoaren beheko solairuetan etxebizitzak, garajeak eta merkataritza lokalak batera egoteak denden sakabanaketa dakar, eta horrek sektorea garatzen lagunduko lukeen merkataritza dentsitate handiagoko ardatz edo gune bat izatea zailtzen du. Egoera hori are larriagoa da lokal hutsak daudelako, horietako asko inolako erabilerarik gabe denbora askotik.

Testuinguru horretan, Udalak duela urte batzuk etxabe hutsak merkataritza jarduerarako berreskuratzeko ahaleginari ekin zion, eta etxabe horietan establezimendu berriak irekitzeko urtero laguntza programa bat martxan jartzen du.

Bestalde, negozio berriak irekitzeak bezain besteko garrantzia dauka daudenak mantentzeak. Udalak eragin nahi du daudenak itxi ez daitezen, negozioen eskualdaketa ere lagunduz. Beraz, dirulaguntza



lerro honekin bi jarduerak lagundu nahi dira, batetik merkataritza edo zerbitzu alorreko establezimendu berriak irekitzea eta bestetik, dauden negozioak martxan mantentzeko eskualdaketak laguntzea.

ATARIKOA

2020ko martxoaren 17an, Eskoriatzako Udalaren 2020-2023 Dirulaguntzen Plan Estrategikoa onartu zen, eta Udalbatzarrak 2022ko abenduaren 20ko Osoko Bilkuran eta 2023ko martxoaren 28an hartutako erabakien bidez eguneratu dago. Plan horretan ildo estrategikoak jasotzen dira, eta horietako 7. zenbakia Sustapen Ekonomikoa eta Soziala izenekoa da. Lerro honen A) Programan jasotzen dira merkataritza sustatzeko dirulaguntzak.

IZAERA OROKORREKO XEDAPENAK

1. Helburua.

Helburua honako hau da: merkataritza edo zerbitzu arloko establezimendu berriak irekitzeko lokalak alokatzeko edo erosteko dirulaguntzak ematea.

Dirulaguntza emateko ondorengo baldintzak bete beharko dira:

- a) Ezingo da eskatu dirulaguntza handitzerik edo berraztertzerik.
- b) Dirulaguntzak borondatezkoak eta aldi baterakoak izango dira.
- c) Ezingo dira aipatu aurrekari bezala.

2. Organo eskuduna.

Oinarri hauek onartzeko organo eskuduna Alkatea da (Toki Araubidearen Oinarriak arautzen dituen apirilaren 2ko 7/1985 Legearen 22.2.e artikuluan aurreikusitakoaren arabera).

3. Araudi aplikagarria.

Oinarri hauek eta dirulaguntzak ematerakoan indarrean dauden gainerako arauak arautuko dituzte dirulaguntza hauek eta baita onuradunaren eta erakunde emailearen arteko harreman juridikoa ere.



Oinarri hauetan aurreikusi gabekoetarako honako hauek aplikatuko dira:

- Eskoriatzako Udalak dirulaguntzak emateko erregimena arautzen duen Ordenantza Orokorra (Gipuzkoako Aldizkari Ofizialean 85. zenbakia, 2021eko maiatzaren 10a).
- 39/2015 Legea, urriaren 1ekoa, Administrazio Publikoen Administrazio Prozedura Erkidearena.
- Diru laguntzei buruzko azaroaren 17ko 38/2003 Lege Orokorra (Estatuko Aldizkari Ofiziala: 2003-11-18) eta lege hori garatzeko uztailaren 21eko 887/2006 Errege Dekretuaz onartutako Dirulaguntzei buruzko Erregelamendu orokorra.
- Euskadiko Toki Erakundeei buruzko apirilaren 7ko 2/2016 Legeak, eta, zehazki, 17.25 artikulua, honako hau jasotzen duena udalerrien eskumen propiotzat: "Tokiko ekonomia- eta gizarte-garapena eta tokiko enplegu-politikak edo -planak".
- Diru laguntzei buruzko Eskoriatzako Udalaren 2020-2023 Plan Estrategikoa (2020ko martxoaren 17ko Gipuzkoako Aldizkari Ofizialean).

4. Diru izendapena.

Aurrekontu esleipena mila bostehun eurokoa (3.500,00 euro) izango da eta 2023rako honako aurrekontu-aplikazioaren kargura finantzatuko da: 0500.471.431.00.01.

Eskaerak aurrekontu kontsignazioa dagoen bitartean erabakiko dira.

5. Onuradunak.

Dirulaguntzaren onuradun izango dira merkatal edo zerbitzu establezimendu berri bat ireki edo negozio bat eskuz aldatzeko lokalak alokatu edo erosiko duten pertsona fisiko edo juridikoak, 7. artikuluan ezartzen diren baldintzak betetzen badituzte.

6. Dirulaguntzak jasotzeko bete behar diren baldintzak.

Merkataritza edo zerbitzu arloko establezimendu berriak irekitzeko edo eskualdatzeko dirulaguntzak jasotzeko ondoren zehazten diren baldintzak bete behar dira:

a) Oinarri hauetan aurreikusitako dirulaguntzak jaso ahal izango dituzte ondorengo baldintza guztiak eta bakoitza betetzen dituzten pertsonak:

- 1.- Pertsona fisikoa izatea, adinez nagusia eta jarduteko gaitasun osoarekin, edo pertsona juridiko pribatua izatea, eratua eta behar bezala inskribatuta dagokion erregistroan eskaera aurkezteko eguna baino lehen, eta egoitza soziala Eskoriatzan izatea.



2.- 2023ko urtarrilaren 1etik aurrera merkataritza edo zerbitzu proiektu baten sustatzaile berria izatea (bai proiektu berrietan, baita eskualdatzeetan ere) Eskoriatzako hirigunean.

3.- Proiektu hori lokal pribatu batean garatzea.

4.- Zerga betebeharrak eta Gizarte Segurantzarekikoak egunean izatea.

5.- Jarduera Ekonomikoen gaineko Zergan alta emanda egotea proiektuari dagokion epigrafean.

6.- Dirulaguntzak jasotzeko debekuetatik bat bera ere ez izatea, azaroaren 17ko 38/2008 Legeko 13. artikuluko 2. eta 3. ataletan ezarritakoaren arabera.

b) Era berean, merkataritza edo zerbitzu proiektuak -berria denean- ondorengo baldintzak bete beharko ditu:

1.- Debagoieneko Garapen Ekonomikorako Eskualde Agentziak onartutako bideragarritasun plana izatea.

2.- Ondorengo balorazio irizpideetako puntuen % 50 lortzea gutxienez:

- Sustatzailearen egokitasuna/bateragarritasuna garatu beharreko ekimenarekin. (3 puntura arte)
- Proiektuaren diseinua eta originaltasuna. (1 puntura arte)
- Proiektuaren garrantzia merkataritza eta gizarte aldetik herriko merkataritza eta kontsumoa bultzatzeko. (1 puntura arte)
- Proiektuaren bideragarritasun ekonomikoa eta finantzarioa. (5 puntura arte).

c) Lokalek eta jarduerak ondorengo baldintzak bete beharko dituzte:

1) Alokaturako lokalak zein bertan egingo den jarduerak indarrean dagoen legedia bete beharko dute eta martxan jartzeko beharrezko diren tramiteak eginda izan beharko dituzte Udalean (udal lizentzia lortzea edo aurretiazko jakinarazpena eginda izatea). Katastroan ere lokalaren erabilera eguneratuta egon beharko da, hau da, lokal komertziala izan behar da.

2) Merkataritza edo zerbitzu jarduera bat egin beharko da lokalean.

3) Lokala pribatua izan eta Eskoriatzako hirigunean kokatuta egon beharko da.

4) Jarduerak sustatzaile berri bat izan beharko du.

5) Euskararen erabilera: Euskadiko toki-erakundeetan hizkuntza ofizialen erabilera instituzionala eta administratiboa normalizatzeari buruzko 179/2019 Dekretuaren arabera, diruz lagundutako jarduerak herritar-multzo zehaztugabe batekin zuzeneko harremana edukitzea



berekin dakarrenean, euskararen erabilera normala bermatu beharko da, hargatik eragotzi gabe gaztelania erabiltzea.

Horrenbestez, diruz lagundutako jarduera dela-eta herritarrekin sortzen diren ahozko harremanetan, lehen hitza beti euskaraz egingo da, eta posible den guztietan, baita jarraitu ere, herritarrek hala aukeratuz gero.

Halaber, jarduera horretan herritarrei ematen zaien informazio idatzia (prezioak, kartelak, eskaintzen oharra, menuak, kartak, arbeletako oharra, ...) gutxienez euskaraz idatzita egon beharko da, eta euskarari emango zaio lehentasuna (hurrenkeran, tamainan...).

Laguntza honen onuradunak jarduera iragartzeko lokalaren kanpoaldean jarriko duen errotulua ere gutxienez euskaraz egon beharko da. Euskarazko errotulazioa edota irudi korporatiboa jartzen duenak Eskoriatzako Udalak urtero eman ohi duen dirulaguntza jasotzeko aukera izango du, beti ere dagokion dirulaguntza deialdian zehaztutako prozedura betez.

Hori guztia betetzeko Eskoriatzako Udal euskara zerbitzuak eskaintzen duen itzulpen/zuzenketa zerbitzua erabili ahal izango da.

7. Diruz lagungarri izan daitezkeen gastu kontzeptuak.

Merkataritza edo zerbitzu arloko establezimendu berriak irekitzeko edo eskuz aldatzeko lokala erostegatik edo alokatzeagatik sortutako gastuak:

- Lokalaren salerosketa gastuak (izapidetzeak ekar ditzakeen notaritza, gestoria edo erregistro gastuak barne).
- Lokala alokairuan hartzeko ordaintzen den errenta-gastua.

8. Diru laguntzen erregimena eta ebaluazio irizpideak.

Diru-laguntzei buruzko azaroaren 17ko 38/2003 Lege Orokorreko 22.2 artikuluan ezarritakoaren arabera, oinarri hauetako laguntzak ebaluazio bakoiztu erregimenean emango dira, Eskoriatzan, inor baztertu gabe, merkataritza, ostalaritza eta zerbitzuak orohar sustatu eta dinamizatu gura duten laguntza hauek izaera berezia baitute.



Eskaerak ebaluatzeko irizpidea izango da oinarri hauetan ezarritako baldintzak betetzen dituzten eskaera guztiei dirulaguntza ematea, beraien artean, denborarena eta aurrekontu kontsignazioa egotea ez bada, ezin da beste harreman elementurik ezarri. Hau da, eskaerak aurkeztu ahala erabakitzen joango dira horretarako dagoen aurrekontu kontsignazioa agortu arte.

9. Dirulaguntzaren zenbatekoa.

Oinarrietako baldintza guztiak betetzen dituztelako onartutako eskaeren artean, kreditua agortu bitartean, ondoren ezartzen diren ezaugarrien arabera emango dira dirulaguntzak:

a) Lokala alokatzeko:

- Lehenengo urtean: alokairu-kostuaren % 50 onartuko du Udalak eta gehienez 150 € hileko.
- Bigarren urtean: alokairu-kostuaren % 40 onartuko du Udalak eta gehienez 100 € hileko.

BEZa ez da diruz lagunduko.

Udalak emango duen diru-laguntza alokairua ordaintzeko izango da, gehienez ere, 24 hilabetetan.

b) Lokala erosteko:

- Katastro-balioaren % 4a, eta gehienez, 2.000 €.

Dirulaguntzak ezingo du inolaz ere gainditu egiaztatutako gastuaren % 100a.

10.- Dirulaguntza eskatzeko modua eta epea.

Eskaera aurkezteak esan nahi du eskatzaileak oinarri hauetan ezarritako baldintzak bete-betean onartzen dituela.

Eskaerak sinatutako eskaera-orri bidez egin beharko dira, eta modu presentzialean nahiz digitalean eskura dagoen eskaera ereduari egokituta.

Eskaera presentzialak astelehenetik ostiralera, 9:00etik 14:30era aurkeztu ahal izango dira udalaren H@ZI Zerbitzuan, eta telematikoki asteko 7 egunez 24 orduz Herritarren Atarian.

Eskaerak aurkezteko epea 2023ko urriaren 31ra arte izango da, iragarkia Gipuzkoako Aldizkari Ofizialean argitaratzen den biharamunetik edo ondorengo egun baliodunean hasita.

Eskatzaileek aurkeztu beharko dituzten agiriak:

1. Dirulaguntza eskaera orria. Orrian bertan aitortu beharko ditu honako hauek (onartu ezean, horiei buruzko dokumentazio espezifikoak aurkeztu beharko du):

—Ez duela hasita edo tramitean administrazioari dirua itzultzeko inolako prozedurarik.

URL	https://uzt.gipuzkoa.eus/PortalV/r/eu/34/AAAADBKQ7.W36N
------------	---



—Ez duela sexu-diskriminazioagatik administrazio-zigorrik, ez zigor penalik.

—Bere xede edo helburuak ez direla emakumeen eta gizonen aukera-berdintasuneko printzipioaren kontrakoak.

—Beste erakunde edo organismo batzuei egindako dirulaguntza eskaerak edo horiek dagoeneko emandakoak.

—Ez duela 17/2003 Legearen 13.2 eta 13.3 ataletan jasotako debekurik.

—Zerga-betebeharrak eta Gizarte Segurantzarekikoak egunean dituela.

Eskoriatzako Udalak zuzenean eskatuko dizkie beste administrazio batzuei eskatzaileak zerga-betebeharrak eta Gizarte Segurantzarekikoak bete dituela egiaztatze behar diren datuak. Eskatzailea aurka agertzen bada, zerga-betebeharrak eta Gizarte Segurantzarekikoak egunean dituela egiaztatzen duten agiriak aurkeztu beharko ditu.

2. Eskaerarekin batera honako agiriak aurkeztu beharko dira:

- a) Enpresa pertsona juridikoa baldin bada: eratze edo aldaketa eskritura (merkataritza-erregistroko inskripzioaren arabera) eta identifikazio fiskaleko zenbakiaren kopia. Horiekin batera, enpresaren izenean eskaera egiten duen pertsona fisikoaren aldeko notario-ahatordearen kopia.
- b) Proiektua azaltzeko txostena.
- c) Proiektua berria baldin bada, ideia bideragarritasun plana, Debagoieneko Garapen Ekonomikorako Agentziak onartua.
- d) Jarduera egin nahi den lokalaren alokairu kontratuaren edo salerosketa kontratuaren kopia. Kontratu horien ordezkari lokalaren jabearen zinpeko aitortza aurkeztu ahal izango da. Bertan, eskatzaileak dirulaguntza lortuz gero lokala alokatzeko edo saltzeko konpromisoa jaso beharko da, eta adierazi beharko da lokala non dagoen, alokairuaren prezioa (edo, hala badagokio, salerosketarena) eta kontratuaren indarraldia.
Eskoriatzako udalak zuzenean ziurtatuko du lokalak zein bertan egin beharreko jarduerak udal lizentzia duela edo bere kasuan, aurretiazko jakinarazpena eginda dagoela eta bat datorrela indarrean dagoen legediarekin.

Eskaera aurkezteak eskatzaileak oinarri hauetan ezarritako baldintzak osorik onartzea dakar.

11. Eskaerak tramitatzeko ardura duen administrazio unitatea.

Eskaerak Garapen Ekonomikorako arloak tramitatuko ditu.

URL	https://uzt.gipuzkoa.eus/PortalV/r/eu/34/AAAADBKQ7.W36N
-----	---



12. Akatsak zuzentzea eta dokumentazio osagarria.

Eskaerak ez baditu betetzen deialdian jasotako baldintzak, horiek zuzentzeko eskatuko zaio eskatzaileari, eta horretarako, gehienez ere hamar egun balioduneko epe luzaezina izango du. Era berean, ohartaraziko zaio eskatutakoa beteko ez balu eskaerari uko egintzat joko dela Herri Administrazioen Araubide Juridikoari eta Administrazio Prozedura Erkideari buruzko Legeko 71. artikuluan aurreikusitako moduan eman beharko den erabakia hartu ondoren.

Eskaera egiteak Eskoriatzako Udalari egoki izan daitezkeen jarduerak egiteko baimena ematea dakar. Jarduera horiek honakoak egiaztatzeko egingo dira: eskatzaileak emandako informazioa, eskatutako baldintzak betetzen diren eta dirulaguntza emanda erakunde onuradunak hartutako betebeharrak betetzen diren.

13. Prozedura eta erabakia.

Eskaerak sarrera hurrenkeraren arabera tramitatu eta erabakiko dira horretarako aurrekontu kreditua dagoen artean.

Eskaera aurkeztuta, Garapen Ekonomikorako arloko teknikariak aztertuko du; eta dokumenturen bat falta izanez gero, 10 eguneko epea emango da hori aurkezteko.

Epe hori amaituta eskatutako dokumentazioa aurkeztu gabe, dirulaguntza eskaerari uko egiten zaiola ulertuko da.

Eskatutako dokumentazio guztia aurkeztutakoan, jasotako eskaerak aztertuko ditu Garapen Ekonomikorako batzorde informatzaileak 9. artikuluan ezarritako ebaluazio irizpideen arabera, eta dirulaguntza emateko proposamena egingo du.

Dirulaguntza emateko proposamena jakinarazita pertsona fisiko edo juridikoari, horrek ondorengo dokumentazioa aurkeztu beharko du 2 hilabeteko epean dirulaguntza emateko proposamena jaso eta hurrengo egunetik kontaktzen hasita:

- Alokairu kontratuaren edo salerosketa eskritura publikoaren kopia konpultsatua.
- Sustatzailea eta langileak Gizarte Segurantzari alta emanda egotearen agiria.

Ezarritako epean ez bada eskatutako dokumentazio guztia aurkeztu, ez zaio dirulaguntza emateko proposamenik aurkeztuko organo eskudunari dagokion erabakia har dezan.

Dokumentazio hori jasota, garapen ekonomikorako arloko teknikariak aztertuko du, eta derrigorrezko txostena egingo du.

Txosten hori organo eskudunari emango zaio dagokion erabakia har dezan.



Erabakia gehienez ere sei hilabeteko epean hartuko da Udal Erregistroan eskaerari emandako sarrera egunetik kontatzen hasita.

Epe hori amaituta, eta Udalak ez badu inolako erabakirik hartu eskaeraren baten gainean, eskaera ez dela onartu ulertu beharko da.

Erabaki proposamena egin aurretik, Udalak, batzorde informatzailearen bidez, beharrezkotzat jotzen duen informazio osagarria eskatu ahal izango du.

14. Dirulaguntzak argitaratzea.

Dirulaguntza, banaka hartuta, 3.000 eurokoa edo 3.000 eurotik gorakoa baldin bada, Gipuzkoako Aldizkari Ofizialean argitaratuko dira onuradunaren izena eta emandako dirulaguntza.

Ez da diru laguntzen daturik argitaratuko, dirulaguntzaren xedeagatik, pertsona onuradunaren datuak argitaratzeak pertsona fisikoen ohorea eta intimitate pertsonal zein familiarra ez errespetatzea edo ez babestea ekar dezakeenean.

15. Dirulaguntza ordaintzeko modua.

- Alokatzeko dirulaguntzak:

Dirulaguntza onartuta, jabeari alokairua ordaindu zaiola egiaztatzeko dokumentuak aurkeztu ondoren ordainduko da lehen HIRU hilabeteko dirulaguntza. Ondorengo dirulaguntzak hiru hilero ordainduko dira, hiruhileko bakoitzari dagokion alokairua ordaindu dela egiaztatzeko dokumentuak aurkeztu eta gero, eta zerga betebeharrak, Gizarte Segurantzarekikoak eta Eskoriatzako Udalarekikoak egunean dituela egiaztatu ondoren.

Eskatzaileak emandako kontu korrontean egingo da ordainketa, gehienez ere hilabeteko epean dokumentazio osoa aurkezten denetik kontatzen hasita.

- Lokala erosteko dirulaguntzak:

Jabeari salerosketa prezioa ordaindu zaiola egiaztatzeko dokumentua aurkeztu ondoren ordainduko da dirulaguntza.

Eskatzaileak emandako kontu korrontean egingo da ordainketa, gehienez ere hilabeteko epean dokumentazio osoa aurkezten denetik kontatzen hasita.



16. Dirulaguntza justifikatzeko epea eta modua.

Dirulaguntzaren justifikazioa egin beharko da telematikoki edo presentzialki Eskoriatzako H@ZI zerbitzuan.

- Alokatzeko dirulaguntzak justifikatzeko lokalaren jabeari alokairua ordaindu zaiola egiaztatze dokumentuak aurkeztuko dira, hiru hilero, onartutako dirulaguntza bukatu arte.
- Lokala erosteko dirulaguntzak justifikatzeko lokalaren jabeari salerosketa prezioa ordaindu zaiola egiaztatze dokumentua aurkeztu beharko da.

17. Bateragarritasuna beste dirulaguntza batzuekin.

Udalak emandako dirulaguntza bateragarria izango da helburu bererako emandako beste edozeinekin.

Hala ere, dirulaguntza ezin izango da izan, bera bakarrik edo beste laguntza batzuekin batera, diruz lagundutako jardueraren kostua baino handiagoa.

18. Dirulaguntza aldatzea.

Dirulaguntza ematerakoan kontuan hartutako baldintzak aldatzen baldin badira edo helburu berarekin beste erakunde batzuk emandako dirulaguntzarik jasoz gero, horiek dirulaguntza emateko erabakia aldatzea ekar dezakete.

19. Dirulaguntza bertan behera uztea edo baliogabetzea.

Dirulaguntza berraztertze eta, hala bada, bertan behera uzteko arrazoia izango da dirulaguntza jasotzea eskatutako baldintzak bete gabe.

Onuradunak oinarri orokor hauetan, oinarri zehatzetan eta aplikagarri den gainerako araudian ezarritako edozein eskakizun edo betebeharrak ez betetzeak dirulaguntza jasotzeko eskubidea erabat edo partzialki galdutzat jotzeko aitorpena ekarriko du, eta baita dirulaguntza osorik edo partzialki, dagozkion berandutze interesekin batera, itzultzeko betebeharra ere.

Ez betetze horiek mailakatzeko proportzionaltasun irizpideak erabiliko dira, diruz lagundutako jardueraren guztietatik egindakoaren eta jasotako diruaren arabera kalkulatu direnak.



20. Emandako dirulaguntza noiz itzuli beharko den.

1. Diru laguntzei buruzko azaroaren 17ko 38/2003 Lege Orokorraren 36. artikuluan aurreikusitako arrazoiez gain, eta dirulaguntza emateko erabakia deuseza edo deuseztagarri izateagatik, bidezkoa izango da jaso diren kopuruak itzultzea eta berandutza interesa eskatzea -dirulaguntza edo laguntza ordaindu den unetik aurrerakoa- hauetakoren bat gertatuz gero:

- a) Jasotzen den dirua zertan erabiltzen den ez egiaztatzea edo xedaturiko moduan eta epean egiaztatzeko eginbeharra ez betetzea.
 - b) Eskatutako baldintzak faltsutuz edo diru-laguntza eskuratzea galaraziko zuketenak ezkutatuz eskuratu bada diru-laguntza.
 - c) Diru-laguntza ematerakoan onuradunei ezarritako baldintzak betetzen ez badira.
 - d) Diru-laguntza ematea ekarri duen helburua –osorik nahiz zati batean– bete ez bada.
- Horren harira, eta Udalak beste akordiorik hartu ezean, ulertuko da xedea ez dela bete baldin eta diru-laguntzaren xede diren jarduera edo egitarauen % 50etik beherakoa bakarrik egin bada.
- e) Organo eskudunen kontrol jardueri uko egitea edo horiek oztopatzea.
 - f) Laguntza edo dirulaguntza bakoitzaren oinarri berezietan aurreikusitako gainerako kasuetan.

2. Itzuli beharreko kopuruak premiamendu-bidez ere exijitu ahal izango dira, baldin eta Udalak horretarako zehaztutako epeetan itzuli ez badira.

21.- Dirua itzultzeko prozedura.

1. Diru-laguntza eman zuen organoak berak izango du eskumena jaso den zenbatekoaren itzulketa - osorik edo zati batean- exijitzeko erabakia hartzeko.
2. Diru-laguntza itzultzeko prozedurari ofizioz ekingo zaio organo eskudunak horrela erabakita, hura izapidetzeko administrazio-atal arduradunak txostena egin eta gero, edota alderdiren batek eskatuta edo salatuta.
3. Nolanahi ere, prozedura izapidetzerakoan pertsona edo erakunde interesdunen entzunaldi-eskubidea bermatu beharko da.
4. Emandako diru-laguntza guztiz edo aldeez ez dela behar bezala erabiltzen egiaztatutakoan, organo eskudunak ziodun ebazpena emango du, argiro adierazita onuradunak zergatik itzuli behar duen dirua nahitaez, itzuli beharreko zenbatekoa eta horretarako epea eta modua. Era berean, ohartaraziko zaio dirua xedaturiko epean itzuli ezean premiamenduzko bidez kobratzeari ekingo diola Udalak.



5. Itzultzeko prozedurari administrazio-arauren bat urra dezakeen zerbaitengatik ekiten bazaio, horren jakitun jarriko da organo eskuduna dagokion zigor-prozedurari ekiteko.

6. Itzultzeko prozedura pertsona fisikoen edo juridikoen kontra zuzenduko da, edo nortasun juridikoa ez daukaten pertsona fisiko edo juridikoen taldeetako kideen (diru-laguntzaren eskatzaile edo onuradun agertzen direnen) kontra.

7. Dirulaguntza –gehi dagozkion berandutze interesak- itzultzeko obligazioaren erantzukizun solidarioa, edo hala badagokio, subsidiarioa, erabakitzeko Diru-laguntzei buruzko azaroaren 17ko 38/2003 Lege Orokorraren 40. artikuluan xedatutakoari jarraituko zaio.

22. Oinarriak interpretatzea.

Oinarriak interpretatzerakoan eta garatzerakoan sor daitezkeen zalantzak Garapen Ekonomiko Jasangarriko batzordeak erabakiko ditu.

23. Errekurtsoak.

Oinarri hauen aurka berraztertzeko errekurtsoa jarri dakioke oinarriak onartu dituen organo eskudunari. Horretarako hilabeteko epea izango da. Bestela, zuzenean inpugnatu daitezke Administrazioarekiko Auzitegian, eta horretarako bi hilabeteko epea izango da. Epe biak oinarri hauek GAOn argitaratzen diren biharamunean hasiko dira kontatzen.